

SESIÓN EXTRAORDINARIA E URXENTE DO CONCELLO PLENO

13 - AGOSTO - 2003

ORDE DO DIA

- 1.- PRONUNCIAMENTO DO PLENO SOBRE A URXENCIA DA PRESENTE SESIÓN.
- 2.- PROPOSTA DO PRESIDENTE DO PATRONATO DE MÚSICA DE COMPROMISO DE LEVAR A CABO AS ACTUACIÓNS NECESARIAS PARA DAR CUMPRIMENTO ÓS REQUISITOS MÍNIMOS COA FINALIDADE DE QUESEXA CONCEDIDA AUTORIZACIÓN DEFINITIVA PARA O CONSERVATORIO DE MÚSICA.

Na Sala de Sesións da Casa do Concello, sendo as once horas do **día trece de Agosto de dous mil tres**, baixo a Presidencia do Sr. Alcalde Acctal. D. XOSÉ CARLOS PAZOS DOCAMPO e, coa asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, DONA. CARMEN RODRÍGUEZ CUNHA, D. CARLOS GONZÁLEZ FERNÁNDEZ, D. MANUEL IGLESIAS CARRERA, DONA. FRANCISCA CANAL GÓMEZ, D. JUAN TIZÓN CABALEIRO, D. FERMÍN ALFAYA PAZ, D. ANTÓN DÍAZ MOURELLE, DONA. M^a DEL CARMEN AMOEDO DASILVA, D. JAIME DARRIBA VILAS, DONA. CECILIA PÉREZ ORGE, D. ALEJANDRO BASTOS FERNÁNDEZ, DONA. HERMINDA QUELLE FERNÁNDEZ e D. MANUEL PÉREZ PARDO, actuando como Secretario Acctal., D. BERNARDO SOTO LÓPEZ, constitúese o Pleno do Concello, en sesión extraordinaria e urxente, conforme á convocatoria e de acordo coa Orde do Día.

Excusaron a súa ausencia os/as Sres./as D. XAIME REI BARREIRO, DONA. LAURA LAGO ALLER, DONA. MÓNICA CARREIRA COUÑAGO, D. RODOLFO PATO GARCIA e DONA. PURIFICACIÓN SERRANO CAVIEDES.

A Presidencia declara aberta a sesión en primeira convocatoria, procedéndose a trata-los puntos da Orde do Día.

Serie A N.º 1176722

1.- PRONUNCIAMENTE DO PLENO SOBRE A URXENCIA DA PRESENTE SESIÓN.-

Aberta a sesión pola Presidencia faise exposición das razóns da urxencia e indícase que de conformidade co establecido nos artigos 46.2.b) da Lei 7/85 de 2 de abril, Reguladora das Bases de Réxime Local, modificada pola Lei 11/99 do 21 de abril, 210.2.b) da Lei 5/97 do 22 de xullo de Administración Local de Galicia e 79 do Regulamento de Organización, Funcionamento e Réxime Xurídico das Entidades Locais, faise preciso o pronunciamento do Pleno sobre a urxencia da convocatoria.

Apreciada ésta, o Concello Pleno, en votación ordinaria e por unanimidade de tódolos seus membros presentes, acorda ratifica-la urxencia da convocatoria.-

2.- PROPOSTA DO PRESIDENTE DO PATRONATO DE MÚSICA DE COMPROMISO DE LEVAR A CABO AS ACTUACIÓNS NECESARIAS PARA DAR CUMPRIMENTO ÓS REQUISITOS MÍNIMOS COA FINALIDADE DE QUE SEXA CONCEDIDA AUTORIZACIÓN DEFINITIVA PARA O CONSERVATORIO DE MÚSICA.-**ANTECEDENTES.-**

Proposta do Presidente do Patronato do Conservatorio de Música de Redondela, de data 11 de Agosto de 2003, que transcrita dí:

“Visto o escrito do Director Xeral de Universidades de data 5 de Agosto de 2003, con rexistro de entrada no Concello número 6204, do día 7 de Agosto, no que interesa certificación de compromiso nos termos que indica no referido escrito, en relación co Conservatorio de Música dependente do Concello.

Esta Presidencia, ó Concello Pleno propón a adopción do seguinte acordo:

O Concello Pleno comprométese a a levar a cabo as actuacións necesarias no conservatorio a fin de dar cumprimento efectivo ós requisitos mínimos que fixa o Real Decreto 389/1992 do 15 de abril (BOE do 28), e ó currículo que establece o Decreto 253/1993, do 29 de Xullo (DOG do 25 de outubro) con anterioridade ó 1 de maio de 2004, coa finalidade de que a autorización definitiva para o Conservatorio de Música poidese estar concedida para o inicio do ano escolar 2004-2005.-“

DELIBERACIÓN.-

Aberto debate interveñen:

O Sr. Reguera Ocampo quen manifesta que se está procedendo á realización de obras para adaptación de edificio para conservatorio de música, por canto o anterior non reunía as condicións esixidas.

A Sra. Canal Gómez, que tras anuncia-lo voto favorable do seu grupo, indica que se deben axiliza-los trámites para obte-la autorización definitiva para o conservatorio.

Fai mención a que existe desinterés do Concello no referente ó Conservatorio, reitera a necesidade de resolve-lo asunto con brevedade para que o centro reúna as condicións aptas para o seu funcionamento e pregunta se hai informe do Sr. Interventor sobre os gastos que representan as obras que se levan a cabo.

A Presidencia contesta que as obras xa foron adxudicadas previa instrucción e resolución do correspondente expediente administrativo, e que na proposta de compromiso que se está a tratar non existe gasto e polo tanto no procede informe do Interventor.

O Sr. González Iglesias dí que as obras están a piques de rematar e que a competencia en materia de conservatorios de música é exclusiva da Xunta, e nembargantes o funcionamento do centro de Redondela lle representa ó Concello un considerable gasto, por canto se só se empregaran as achegas económicas da Xunta habería que pechalo.

O Sr. Pérez Pardo dí que votará a favor por tratarse dun centro de interés para Redondela.

O Sr. Bastos Fernández anuncia que votará a favor da proposta por ser necesario o conservatorio.

A Sra. Pérez Orge manifesta que o desinterés a que alude a Sra. Canal Gómez é por parte do Partido Popular, sendo o anterior equipo de goberno do Concello o que tivo que facer un esforzo extraordinario para que o conservatorio funcionase moito mellor que antes, indicando a estes efectos as numerosas actuacións levadas a cabo, estando as obras que se realizan actualmente a piques de rematar.

En nova intervención a Sra. Canal Gómez dí que a moratoria que da a Xunta é por incumprimento do prazo dado anteriormente, o que é de agradecer, contestándolle a Sra. Pérez Orge que o que lle chama moratoria é para tódolos Concellos que teñen que adapta-lo conservatorio; e o Sr. González Iglesias que as obras estarán rematadas en quince días, aproximadamente, en tanto que noutros Concellos nin en quince días nin en quince meses, polo tanto non se ten por que agradece-la moratoria, xa que o Concello de Redondela debe te-lo mesmo trato que outros Concellos con conservatorio municipal en fase de adaptación.

Serie A N.º 1176723

VOTACIÓN E ACORDO.-

O Concello Pleno, por unanimidade dos seus membros presentes, sendo 16 votos a favor (6 PP, 5 PSdeG-PSOE, 2 B.N.G, 2 R.A., e 1 EU-IU), acorda prestarlle a súa aprobación á Proposta transcrita.-

E, non sendo outro o obxecto da presente sesión, pola Presidencia dase por rematado o acto, sendo as once horas e vintecinco minutos da data indicada no encabezamento, en proba de todo o que se estende a presente acta, que se inscribiu no Libro dende a volta do folio sesenta e nove do Papel Timbrado da Comunidade Autónoma de Galicia, Serie A nº 1176721, ata o folio setenta e un, Serie A nº 1176723, de todo o que, como Secretario Acctal., DOU FE.-

O Alcalde, Acctal

O Secretario, Acctal

Asdo: Xosé Carlos Pazos Docampo

Asdo: Bernardo Soto López

SEL NUMERADO
CORPORACIÓN
LOCAIS